

rum. Sexta verò hora quadrante circuli à XIIâ distat. Hisce peractis describatur in plano pro arbitrio circulus quidam, qui in quadrantes suos, & gradus quadrantis dividatur, incipiendo numerare gradus ab horâ XII. juxta quos per inventos Horizontis gradus, horæ in dictum circulum transferantur versus utramque partem. Nam horæ antemeridianæ & pomeridianæ ordine æqualiter à XIIâ distant. Ultimò ad lineam horæ XIIæ linea perpendicularis erigatur: & numerentur gradus elevationis poli ab horâ XIIâ, perque ultimum gradum ducatur linea recta è centro circuli, videaturque ubi linea perpendicularis erecta interfecetur. Tandem ad magnitudinem abscissæ lineæ perpendicularis erigatur in puncto horæ XIIæ gnomon, filumque ex centro circuli ad extremitatem gnomonis ducatur.

*Probl. II.*

**XXVI.** Horologium murale si-  
ve verticale ad quamvis ele-  
vationem describere.

Abfol-